

INUIT ATAQATIGIIT

INATSISARTUNI



29-12-2014

Inatsisartut Suleriaasianni § 37 naapertorlugu Naalakkersuisunut imaattunik apeq-quteqarpunga.

**Utoqqarmiut Kangerluarsunnguanni nukissiorfiup atuutilernerata kingorna
Nuummi innaallagissiorfitoqqamit innaallagissamik tapertaasumik
pilersuinissaq pisariaqarsimava?**

**Utoqqarmiut Kangerluarsunnguanni nukissiorfiup Nuummi ukiuni qulini
tulliuttuni nukissiornermik pisariaqartitsineq matussusersinnaavaa imalluunniit
innaallagissiorfitoqqamit tapertaasumik innaallagissamik pilersuinissaq
pisariaqassava?**

**Siusinnerusukkut akissutisiarinikuusanni¹ paassisutissiineq eqqorpa, tassani
ilisimatissutigineqarmat Utoqqarmiut Kangerluarsunnguanni nukissorfimmik
kaavittut (turbiner) ilanissaat inissaqartinneqanngitsoq? Imaluunnit akissut
ima paasineqassava, maanna aaqqissuisimaneq aallaavigalugu
inissaqanngitsoq, kisiannili imermik nukissiorsinnaaneq ima annertugisoq
kaavittut ilanissaat pisariaqalerfiatigut ajornarani?**

**Atuisunut ataasiakkaanut atuinermik nammineq malinnaanissamut
kaammattuinerup saniatigut, nukissanik atuilluarnissamik ileqqaarnissamillu
kaammttuiniarlutik Nukissiorfiit qanoq iliopat? Nukissamik ileqqaarnermik
pilersitsinissaq siunertaralugu – soorlu atuisut annerit akornanni – Nukissiorfiit
namminneerlutik saaffiginnittarpat?**

(Inatsisartunut ilaasortaq, Naaja H. Nathanielsen)

Tunngavilersuut

Siusinnerusukkut ilisimatissutigineqarnikuuvoq Utoqqarmiut Kangerluarsunnguanni nukissorfimmik kaavittut sisammernissaat 1 millard kr-nik akeqassasoq. Ilutigisaanik takusinnaavarput Nuup inui amerliartortut, taamaalillunilu atuineq annertusiartortoq. Paasinikuura maanna ukiukkut ullaat ilaanni Utoqqarmiut Kangerluarsunnguanni nukissiorfiup pisinnaasaata qaffasinnerpaaffia angusalereersimagipput.

Innuttaasoq nukissamik ataavartumik nukissiuuteqartumik pilersitsisinnaaguni, nukissaq sinneruttoq pisortanut tunisinnaavaa. Tamannali aatsaat atuuppoq innuttaasoq ikummatissanik nukissiuteqarluni innaallagissiorfiusumi najugaqarpat. Tamatumani isuma tassaavoq innuttaasut ikummatissanik nukissorfinnik atuinermik apparsaasinnaasut akilerneqassasut,

Siusinnerusukkut Naalakkersuisut qinnuiginikuuakka taamatut periuseqartarneq annertuseqqullugu, tassuunakkut aammattaaq innuttaasut erngup nukinganik

¹Dansk:

http://inatsisartut.gl/documents/para3637/2014/svar/109_solcelleanlaeg_najn_svar.pdf

Kalaallisut:

http://inatsisartut.gl/documents/para3637/2014/svar/109_solcelleanlaeg_najn_akissut.pdf

nukissiuteqarfinniittut assingusumik periarfissaqaleqqullugit. Ajoraluartumik itigartinneqarpunga. Isumaqaqaraluarpunga taamaaliornissaq siumut isigaluni alloriarnerussasoq. Nalunngilarput illoqarfiit alliartortut, taamaalillunilu pisortat innaallagissamik pilersuiffii artukkinneqariartuaartut. Innuttaasut suliffeqarfiillu namminneq ataavartumik nukissiuteqarluni nukissiorfinnik pilersitsinissaannik kaammattornerisigut, immaqa pisortat imermik nukissiorfinnik akisunaarlugu annertusaanissaat imaluunniit ikummatissanik nukissiornermik tapertaqartitsisariaqalernissaat kinguartissinnaagaluarparput pinngitsuuissorluguluunniit.

Siumoortumik qinnutigissavara apeqqutit tamarmik ullut suliffiit qulit iluanni akineqassasut.